

## Lectura da páxina 94

Aquí nos fala das fontes históricas que son eses elementos que nos dan información do que ocorreu hai moitos anos.

### 4 Como se estuda o pasado?

A historia é como un crebacabezas: coñecemos só algunhas pezas e temos que reconstruíla.

Para iso hai que estudar o pasado. Como se fai? Quen se dedica a iso?

#### Onde está a información do pasado?

Para coñecer a historia pasada é necesario buscar e estudar elementos que ofrecen información, como os escritos antigos ou os restos de escavacións.

Estes elementos reciben o nome de **fontes de información históricas** e poden ser de **catro tipos**:



**Fontes escritas.** Son textos como cartas, libros ou diarios. Este tipo de **documentos** apareceron sobre papel, pedras e incluso peles.



**Fontes materiais.** Son **obxectos**, como moedas, ósos, vasillas... Atópanse en escavacións ou nos fondos mariños.



**Fontes gráficas.** Trátase de **imaxes** que contan historias: cadros, fotografías, debuxos ou vídeos.



**Fontes orais.** Trátase de lendas, contos ou relatos que se transmiten dunha época a outra **de forma falada** ou en gravacións.

Aquí nos fala dos historiadores e historiadoras, que son esas persoas que se dedican a estudar e organizar a Historia.

5

### Quen estuda a historia?

As persoas que estudan e organizan a historia chámanse **historiadores**.

Un historiador pregúntase constantemente **que feito sucedeu antes** ca outro e **por que** foi así. Logo, busca as respostas ás súas preguntas en distintas fontes de información.

Grazas aos seus estudos e investigacións, os historiadores puideron ordenar a longa historia dos seres humanos desde a súa orixe e destacar os feitos máis importantes de cada unha das idades.



- ▶ As **fontes históricas** proporcionan información sobre o pasado. Poden ser **escritas, materiais, gráficas** ou **orais**.
- ▶ Os **historiadores** son as persoas que se dedican a **estudar** e organizar a **historia**.

### Sabías que...?

A idade na que vivimos actualmente chámase Idade Contemporánea.

- Busca no dicionario que significa **contemporáneo**. Por que crees que se decidiu ese nome?



Moi importante este cadro resumo!

## TAREFAS

### Completa na túa libreta:

As fontes históricas proporcionan información sobre o pasado.

Poden ser de varios tipos: escritas, materiais, gráficas e orais.

Os historiadores son as persoas que se dedican a estudar e organizar a historia.

### Exercicio 24. Páxina 95.



- a) Escrita.
- b) Material.
- c) Oral.
- d) Gráfica.

### Repaso

<https://www.mundoprimary.com/juegos-educativos/juegos-ciencias/juego-paso-tiempo>

<https://www.mundoprimary.com/juegos-educativos/juegos-ciencias/juego-tiempo-historico>

<https://www.mundoprimary.com/juegos-educativos/juegos-ciencias/juego-etapas-humanidad>